


四庫全書考證

二二





證考書全庫四

(一十二)

輯纂等岳太王



叢書集成
初編

主編者
王雲五

商務印書館發行

四庫全書考證卷五十

子部

疑獄集

棠陰比事

齊民要術

廣治平略

救荒本草

農政全書

黃帝內經素問

衛濟寶書

醫說

普濟方

仁端錄

四庫全書考證 卷五十

證治準繩

本草綱目

醫門法律

寓意草

蘭臺軌範

太元經

皇極經世書

天原發微

疑獄集 五代和凝撰

卷二

黃霸戮三男條。漢宣帝時爲丞相。刊本脫時字。據漢書增。

卷十

光祖詰蛙條。實蛙於中。刊本實訛食。今改。

棠陰比事 宋桂萬榮撰 明吳訥刪補

傳令鞭絲條。掛絲于壁。鞭之。有少鐵屑。原本缺壁字。及鐵屑二字。並據南史補。
孫亮驗蜜條。問曰。旣蓋而復。油紙覆之。無緣有此。原本脫問曰二字。據三國志增。

齊民要術 魏賈思勰撰

卷三

種葵注。人食落葵。爲狗所齧。原本狗訛荷。據博物志改。
荏蓼注。蕎虞蓼。原本蓼訛兼。據爾雅改。

卷四

種棗注。洗大棗。原本脫棗字。據爾雅增。
種李注。剝赤李。原本剝訛駁。據爾雅改。

卷六

養牛馬驢騾條。飛鳧見者怒。注。脅後筋也。原本脅後訛胸欲。據別本改。
養雞注。陽溝。巨鄆。古之名雞。原本名雞二字互倒。據爾雅改。
種芡法注。一名鴈喙。刊本闕喙字。據本草補。

卷七

貨殖條。貽鰲千斤。注。鰲音薺。原本薺訛軫。又旃席千具。原本席訛車。並據漢書改。

卷九

臠炙純注。以蜜一升合和。時時刷之。原本蜜訛串。據別本改。
羹醴法。令汁味淳濃。原本闕令汁二字。據別本補。
羹膠法。其脂肪鹽熟之皮。則不中用。注。無爛汁故也。原本故也訛砌巴。今改。

卷十

禾條。長五尋。大五圍。原本上五字訛大。大訛五。據山海經改。

柚條似橙而酢。原本而訛實。據說文改。
藤條江東呼爲櫨櫨。原本脫櫨字。據爾雅注增。

廣治平略 崑山蔡方炳撰

卷一

歷代儀象條。日月本不圓也。望之所以圓者。去人遠也。刊本脫下圓字。據竹書增。

卷三

歷代疆域條。其澤藪曰泰瑩。刊本脫泰字。據周禮及漢書增。又更取湟、鄯、廓三州。刊本鄯廓訛蒨郭。據文獻通考改。

卷八

歷代儲訓條。用張良計招四皓輔太子。刊本張良訛陳平。據史記改。

卷九

兩漢相業條。願緩刑弛禁以慰民望。刊本弛訛地。據三國志改。

卷十

唐代諫納條。酺者。因人所利。合釀爲勸也。刊本勸訛灌。據唐書改。

卷十二

唐代官制條。初太宗省內外官。定制爲七百二十員。刊本百訛有。據唐書改。

卷十三

魏晉銓選條。魏初毛玠與崔琰並典選舉。刊本琰訛炎。據三國志改。

卷十四

兩漢考課條。匡衡自領計簿不能正。刊本匡沿宋諱作康。今改。

卷十五

兩漢薦辟條。延熹之處士豫章徐穉。彭城姜肱。刊本熹訛禧。據漢書改。

卷十六

周代國計條。四曰羞服之式。刊本羞訛修。據周禮改。

唐代國計條。失職未叙者食度支數千百人。刊本脫度字。據文獻通考增。

宋代國計條。歲入緡錢千六百餘萬。刊本百訛餘。據文獻通考改。

明代國計條。臨德淮徐四倉。每年運米四百萬石。刊本徐訛曹。據明史改。

卷十七

五代田賦條。清泰元年。以劉昫判三司。刊本昫訛昭。據五代史改。

卷十八

明代戶役徐近海有鹽竈刊本脫竈字據明史增

卷十九

漢代屯田條浚溝渠理隍陬刊本理訛始據漢書及文獻通考改

宋代屯田條吳玠治廢堰營田歲收二十五萬石刊本脫二字據文獻通考增

卷二十

三代農政條家用足則市不成肆謂之金與粟爭貴刊本貴訛貨據管子改

宋代農政條稼穡之艱難與小人之勞苦刊本脫苦字據歷代名臣奏議增

卷二十一

周代錢幣條三幣握之非有補于煖也刊本三訛二據管子改

唐代錢幣條永平監官李郁彥刊本脫彥字據文獻通考增

卷二十二

唐代鹽政條籍游民業鹽者爲亭戶刊本亭訛停據文獻通考改

元代鹽政條武宗至大二年每引增至大銀鈔四錠刊本錠訛此據元史改

卷二十三

歷代關市之征條。三老北邊騎士輜車一算。刊本老北訛者此。據文獻通考改。

歷代山澤之征條。仁宗時。惜薪司賦棗于山東河南。以供宮中香炭之用。刊本惜訛折。據明史改。

卷二十四

唐代漕運條。淮南節度使杜亞。刊本亞訛佑。據文獻通考改。

元代漕運條。經黑水洋。至成山。過劉島。刊本水訛山。據元史改。

卷二十六

周代賑恤條。廩人數邦用。稽民食。刊本用訛周。據周禮改。

宋代賑恤條。郡中軍儲尙餘萬斛。宜以貸民。刊本脫斛字。據文獻通考增。

卷二十八

歷代樂制條。鄭音好濫淫志。刊本志訛色。據禮記改。

漢代律呂條。本起於黃鐘之長。以子穀秬黍中者。刊本脫鐘字。據漢書增。

卷三十

兩漢貢舉條。遣詣相國府署行義年。刊本脫年字。據前漢書增。

卷三十四

歷代訓練條。員半千進曰。師以義出。沛若時雨。刊本員訛袁。據唐書改。

卷三十五

歷代馬政條。以茶與諸番易馬。其法上馬茶百二十斤。中馬七十斤。刊本脫二十兩字。據明史增。

卷三十七

帝王刑制條。挾曰而歛之。刊本挾訛案。據周禮改。

宋代刑制條。聽獄之限。大事四十日。中事二十日。刊本上十字訛五。據文獻通考改。

明代刑制條。曰雜律。曰捕亡。曰斷獄。刊本脫曰斷獄三字。據明史增。

卷三十八

明代赦宥條。編成數年。懲創既久。刊本既久訛稅人。據明史改。

卷三十九

明代弭盜條。詔改提督給旗牌便宜行事。刊本脫事字。據明史增。

卷四十

宋代治河條。鐵龍爪揚泥車法。以濬河。而用輒不效。刊本脫車字。據宋史增。

卷四十二

周易大義條。李鼎祚之集解。則取鄭而舍王。刊本鼎訛弼。據文獻通考及中興藝文志改。
詩經大義條。然則其學之也。當柰何。刊本脫當柰二字。據朱子全集增。

禮記大義條。取月令、明堂位、樂記三篇。刊本脫位樂記三字。據隋書經籍志增。

卷四十四

邵子先天之學條。乾南坤北。與離南坎北之位不同也。刊本下南字訛上。據周易改。

救荒本草 明周王朱橚撰

卷一

草部大藍條。所謂箴馬藍是也。刊本箴訛箴。據爾雅改。

卷二

鐵幹蒿條。又似篇蓼葉而短小。刊本篇訛扁。據爾雅改。

卷三

牛妳菜條。又似馬兜鈴。刊本鈴訛零。據本草綱目及羣芳譜改。

卷四

回回米條。一名蘄。注音紺。刊本紺訛紺。據證類本草注及廣雅注改。

卷七

果部棗樹條。邊腰棗一名細腰。刊本一名訛云子。據爾雅注疏改。

卷八

菜部。莧菜條。一名馬莧。一名莫寔。案陶隱居名醫別錄。馬莧卽馬齒莧。與莧實名莫寔者異。此合爲一誤。
農政全書 明徐光啓撰

卷四

小司徒條。四縣爲都。以任地事而令貢賦。原本而訛以。據周禮改。

卷十二

徐貞明請亟修水利條。昔禹播九河而溝洫之。原本九河訛河海。今改。

卷二十

耨條。耨柄尺。此其度也。其長六寸。原本長訛耨。據呂氏春秋改。

卷二十三

廩倉之別名條。倉黃面而取之。故謂之面。或從广。從禾。原本面訛面。又广訛一。並據說文改。

卷四十

黃白軟良之地條。四把爲一束。原本把訛扼。又束訛頭。並據齊民要術改。

農桑通訣條。朱孺子幼事道士王延正。原本延訛元。據羣芳譜改。

卷四十八

草零陵香。原本香訛菜。今改。

卷五十一

葵蕤條。一名葵。一名玉竹。原本玉訛五。據本草綱目改。

卷六十

烏藍擔條。烏。大也。村人呼大爲烏。原本村訛大。今改。

黃帝內經素問 唐王冰注 宋林億等校

原序兼靈樞九卷。注。唐書藝文志謂之九靈。刊本唐訛隋。藝文訛經籍。案隋志無九靈之目。今據改。又
今之奉行惟八卷爾。注。隋書經籍志載梁七錄。亦云止存八卷。刊本七訛十。據隋書改。

卷一

上古天真論。虛邪賊風。避之有時。注。避之有時。謂八節之日及太乙八徙立於中宮朝八風之日也。刊本
徙訛從。立訛之。並據馮應京月令廣義太乙所居九宮圖說改。

四氣調神大論。此春氣之應。注。魚上冰。刊本冰訛次。據禮記改。又收斂神氣。注。和氣旣傷。則秋氣不平
調也。刊本調訛謂。今改。

生氣通天論。因於暑汗。刊本汗訛氏。據本注改。又春傷于風。注夏生飧泄。刊本泄訛油。據本書陰陽應象大論改。

卷二

陰陽應象大論。悲勝怒。注宜明五氣篇。刊本氣訛藏。據本書目錄及後卷篇目改。又天地者萬物之上下也。注觀其覆載。刊本覆訛云。今改。

陰陽別論。二陽一陰。注一陰謂心主及肝脈也。刊本肝訛用。據前少陰之前名曰厥陰。注改。

卷三

靈蘭秘典論。膽中。注分布陰陽。故官爲臣使也。刊本分訛氣。據下文改。

六節藏象論。非其時則微。注故非其時則微而且遲也。刊本遲訛持。據下文改。

卷五

脈要精微論。推而上之。注是陰氣有餘。故腰足冷也。刊本陰訛陽。案下文頭項痛爲陽有餘。則知腰足冷爲陰有餘也。今據改。

平人氣象論。謂之新病。注陽足氣全。故云新淺之病也。刊本云訛去。今改。

卷六

三部九候篇。血病。注靈樞經曰。刊本樞訛桐。據原序及通志藝文略改。

卷八

通評虛實論。甘肥貴人。則膏粱之疾也。刊本脫甘字。據後卷腹中論注引此經文增。
釋文。陽明脈解篇。刊本陽明訛陰陽。又篇訛論。據目錄改。

卷九

刺熱篇。熱病先胸脅痛。注。丘虛在足外踝下如前陷者中。刊本丘訛灸。據醫宗金鑑膽經表裏原絡穴圖改。

卷十

氣厥論。注。案全元起本。刊本元訛示。據唐書藝文志改。
欬論。此皆聚于胃。注。關於肺也。刊本關訛閉。據經文改。

卷十一

刺腰篇。同陰之脈。注。案太素小鍾作小鍼。刊本鍾訛中。據經文改。

卷十二

風論。胃風之狀。注。物不內消。刊本物訛陽。據上文改。
厥論。陰氣盛于上。注。陰謂足太陰也。刊本下陰下衍陽字。據新校本刪。

卷十三